



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2021 оны 04 сарын 20 өдөр

Дугаар №176.

Алтай хот

Гамшгаас хамгаалах бүх нийтийн
бэлэн байдлын зэрэгт шилжүүлсэн үед зохион
байгуулалтын арга хэмжээг авах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Засгийн газрын 2021 оны 45, 91 дүгээр тогтоол, Улсын Онцгой комиссын 2021 оны 02 дугаар тогтоол, аймгийн Онцгой комиссын 2021 оны 21 дүгээр хурлын шийдвэрийг тус тус үндэслэн ЗАХИРАМЖЛАХ нь:

1. Аймгийн хэмжээнд ерөнхий боловсролын сургууль, цэцэрлэг, спорт заал, клуб, дугуйлан, давтлагын үйл ажиллагааг 2021 оны 04 дүгээр сарын 21-ний өдрөөс 2021 оны 04 дүгээр сарын 25-ны өдрийг дуустал хугацаагаар зогсоож, сурагчдыг олон нийтийн гудамж талбайд цугларах, бөөнөөр явах, тоглоомын талбайд тоглох үйл ажиллагаанд хяналт тавьж ажиллахыг Цагдаагийн газар, Мэргэжлийн хяналтын газар, Боловсрол соёл, урлагийн газарт тус тус даалгасугай.

2. Байгууллага, аж ахуйн нэгжийн нийт ажилчдын 30 хүртэлх хувийг ажиллуулж, бусад ажилчдыг цахимаар ажиллуулах нөхцөл боломжоор хангаж, дотооддоо зохион байгуулалтын арга хэмжээ авч ажиллахыг байгууллага, аж ахуйн нэгжийн дарга, эрхлэгч, захирал наарт үүрэг болгосугай.

3. Онцгой байдлын газар, Цагдаагийн газар, Эрүүл мэндийн газар, Мэргэжлийн хяналтын газар, Эмнэлэг, Эмийн сан, "Алтай-Улиастайн Эрчим хүчний систем" ТӨХК, "Ундарга-Алтай" ОНӨААТҮГ, "Мандал голомт" ХХК, "Солонго дулааны станц" ААТҮГ, Тохижилт үйлчилгээний газруудыг хэвийн горимоор халдварын сэргийлэх хяналтын дэглэмийг чанд мөрдөж ажиллахыг тус тус үүрэг болгосугай.

4. Архи согтууруулах ундаа худалдах, түүгээр үйлчлэх болон зах, худалдааны төв, бүрэн барааны дэлгүүр, баар, ресторан, караоке, нийтийн хоолны

2.

газар, авто засвар, угаалга, үйлдвэр, үйлчилгээний газруудын үйл ажиллагааг 2021 оны 04 дүгээр сарын 21-ний өдрөөс 2021 оны 04 дүгээр сарын 25-ны өдрийг дуустал хугацаагаар зогсоож, хүнсний дэлгүүрийн үйл ажиллагааг 10:00 цагаас 17:00 цагийн хооронд ажиллуулж, хяналт тавьж ажиллахыг Цагдаагийн газар, Мэргэжлийн хяналтын газарт тус тус даалгасугай.

5.Тусгаарлах байраар дайчлахаар гэрээ байгуулсан зочид буудлуудаас бусад зочид буудал, дэн буудлын үйл ажиллагааг зогсоож, хяналт тавьж ажиллахыг Мэргэжлийн хяналтын газарт даалгасугай.

6.Малчид, айл өрхүүдээр нэг бүрчлэн орж, (ковид-19) цар тахлаас урьдчилан сэргийлэх анхааруулга, санамж өгч ажиллахыг Ховд, Завхан, Баянхонгор аймгуудтай хил залгаа сумдын Засаг дарга наарт үүрэг болгосугай.

7.Албан ачаа авах асуудлыг аймгийн Шуурхай штабт мэдэгдэж, халдварын сэргийлэлтийн хяналтын зөвлөмжийг баримталж ажиллахыг байгууллага, аж ахуйн нэгжүүдэд үүрэг болгосугай.

8.Коронавирус (ковид-19) цар тахлаас урьдчилан сэргийлэх үйл ажиллагаанд шаардагдах 43,254,900 (дөчин гурван сая хоёр зуун тавин дөрвөн мянга есөн зуун) төгрөг, багц мессежийн төхөөрөмж сунгах ажилд 150,000 (нэг зуун тавин мянган) төгрөг, Улаанбаатар хотоос тусlamжийн хүнсийг тээвэрлэхэд шаардагдах 1,050,000 (нэг сая тавин мянган) төгрөг, нийт 44,450,900 (дөчин дөрвөн сая дөрвөн зуун тавин мянга есөн зуун) төгрөгийг Гамшгийн сангаас шийдвэрлэхийг Санхүү, төрийн сангийн хэлтэс (Х.Баатарзориг)-т зөвшөөрсүгэй.

9.Захирамжийн хэрэгжилтэд хяналт тавьж ажиллахыг аймгийн Засаг даргын орлогч (Г.Чинбат)-д даалгасугай.

